

**ՅԻՐԱՆՍԱՀԱՅ ՀԱՄԱՅՆՔԻ ՍՈՑԻԱԼ-ՏՆՏԵՍԱԿԱՆ ԿՅԱՆՔԻ
ԶԱՐԳԱՅՄԱՆ ՓՈՒԼԵՐԸ (1922 – 1980 թթ.)**

Զ.Մ.ՂԱՍԱՐՅԱՆ

Մեծ եղեռնը վերապրած ու բնաջնջումից մազապուրծ եղած մոտավորապես 200 հազար հայեր հանգրվանեցին Եվրոպայի տարբեր երկրներում, այդ թվում 90 հազարը՝ միայն Ֆրանսիայում: Նրանց 50 %-ից ավելին նախկին գյուղացիներ էին, որոնք հաստատվելով Ֆրանսիայի տարբեր շրջաններում՝ համալրում էին ֆրանսիական բանվորության շարքերը և լրացնում աշխատուժի այն պակասը, որը առաջացրել էր Առաջին համաշխարհային պատերազմը: Այդ ամենը կատարվում էր դժվարին ու շահագործման դաժան պայմաններում:

Ֆրանսահայ համայնքն իր ձևավորման ընթացքում անշավ զարգացման երեք հիմնական փուլ և ի վերջո Ֆրանսիայի սոցիալ-տնտեսական ու հասարակական-քաղաքական կյանքում կայուն դիրքեր գրավեց:

Առաջին փուլն ընդգրկում էր 1922 – 1929թթ.: Ֆրանսիայում հանգրվանած հայերի 80 %-ից ավելին, իբրև էժան բանվորական ուժ, համալրեց ֆրանսիական շահագործ բանվորության շարքերը: Զրկված լինելով գոյություն տարրական միջոցներից և չտիրապետելով ֆրանսերենին, նրանք ստիպված ամենածանր աշխատանք էին կատարում հանքահորերում, քարհանքներում, մետաղաձուլարաններում, քիմիական և այլ վտանգավոր արդյունաբերական ճյուղերում: Մարսելի և Միջերկրականի ափերի այլ քաղաքներում ու նավահանգիստներում բազմաթիվ հայեր աշխատանքի անցան որպես բեռնակիրներ (դոկերներ): Որոշ թվով հայեր, հատկապես որբ տղաներ ու աղջիկներ, պայմանագրային կարգով աշխատանքի անցան Գոտ դ'Ալուրի զանազան ագարակներում ու գյուղատնտեսական ֆերմաներում: Գառզանի և Աուլիի ածխահանքերում ու ալյումինի գործարաններում հայ բանվորներն աշխատում էին 10 – 15 %-ով ցածր աշխատավարձով՝ համեմատած օտար և ֆրանսիացի բանվորների հետ:

Այդ աշխատանքներում ներգրավված էին նաև հայ կանայք: Սակայն, նրանց մեծ մասն աշխատում էր լվացքատներում, ճաշարաններում, տնային տնտեսություններում և այլ բնագավառներում: Ռոն-Ալպյան շրջանում և Մարսելի նահանգում բազմաթիվ հայ կանայք, օգտագործելով իրենց հմտությունն ու փորձը, ներգրավվեցին բոժոժի աճեցման և մետաքսաթելի արտադրության ճյուղերում:

Կարճ ժամանակամիջոցում տարադիր հայ բանվորները լավագույն աշխատողների համբավ ձեռք բերեցին: Համեմատած Ֆրանսիայում աշխատող այլ օտար բանվորների հետ, հայերը յուրահատուկ սոցիալական վիճակում էին: Օտար բանվորները (իսպանացիներ, իտալացիներ, արաբներ և ուրիշներ) աշխատանքի պայմանների, կամ աշխատավարձի հետ անհամաձայնության դեպքում, կարող էին վերադառնալու հայրենիք, մինչդեռ, հայերը զրկված էին այդ հնարավորությունից և ստիպված էին ամենածանր աշխատանքներ կատարել ապրուստ ապահովելու համար: Հայ բանվորները, աստիճանաբար հարմարվելով տեղի պայմաններին, ընդ-

զրկվում էին զանազան արհեստակցական միությունների ու ֆրանսիական կոմունիստական կուսակցության շարքերը, որոնք պաշտպանում էին նրանց իրավունքները:

Մինչև 1929թ. Հայերը նվիրակվում, այդ թվում և Ֆրանսիայում, աշխատանք ձեռք բերելու գործում դժվարություններ չունեին, քանի որ երկրի տնտեսությունը վերելք էր ապրում: Կյանքի կայունացմանը զուգընթաց, Ֆրանսահայ Հասարակական-մշակութային կյանքն աշխուժացավ: Սակայն այն խափանվեց 1929 - 1933թ. Համաշխարհային տնտեսական ճգնաժամի պատճառով, որն ընդգրկեց նաև Ֆրանսիայի տնտեսությունը: Արդյունաբերական ձեռնարկությունները Համատարած փակվում էին: Հազարավոր բանվորներ ու ծառայողներ մատնվում էին գործազրկության: Աշխատանքից ազատվում էին առաջին հերթին օտար բանվորները, այդ թվում և Հայերը: Լավալի օրենքի Համաձայն, հիմնարկ-ձեռնարկություններում թույլատրվում էր աշխատել օտար բանվորների 10 %-ին¹:

Գործազրկության մատնված Հայ բանվորներն ապրուստի միջոցներ որոնելու նպատակով ստիպված էին լինում տեղափոխվել մի բնակատեղից մյուսը: Նրանք ձգտում էին բնակություն Հաստատել այն քաղաքներում ու ավաններում, որտեղ տեղի մունիցիպալիտետը կամ այլ կազմակերպությունները թույլ էին տալիս գործազուրկ բանվորներին:

1929 - 1933թթ. տնտեսական ճգնաժամի խորացման պատճառով Մարսելում, Լիոնում, Փարիզում և այլուր աշխատանքից ազատվում էին նույնիսկ ֆրանսիական քաղաքացիություն ունեցող օտար ու ֆրանսիացի բանվորներին ու ծառայողներին, հատկապես Հայ մասնագետներին (բժիշկներ, ատամնաբույժներ, փաստաբաններ և ուրիշներ), որոնք չունեին ֆրանսիական դիպլոմներ: Նրանց արգելվեց մասնավոր եղանակով Համագործակցել ֆրանսիացիների հետ:

1930 - 1936թթ. միայն Դեսինի SLSA գործարանում 119 Հայ բանվորներ զրկվել էին աշխատանքից: Հայ գործազուրկները սկսեցին զբաղվել չրջիկ առևտրով, արհեստով և որոշ ապրանքների վերամշակումով ու վաճառքով: Նրանք հիմնում էին փոքրիկ կրպակներ կամ սալյակների վրա վաճառում տանը պատրաստած քաղցրավենի, պարեն և այլ մթերքներ:

Երկրորդ Համաշխարհային պատերազմի նախօրեին ֆրանսահայերի այն սերունդը, որը ծնվել ու մեծացել էր Ֆրանսիայում, ստացել մասնագիտական կրթություն ու տիրապետում էր ֆրանսերենին, դառնում էր վարպետ-մասնագետ: Նրանց որոշ մասը սկզբում աշխատում էր որպես խառատ, էլեկտրիկ, մեխանիկ, մոնտաժող և ժամանակի ընթացքում հիմնում սեփական արհեստանոց: Այսպիսով, երկրորդ աշխարհամարտի նախօրեին ֆրանսահայերի մի ստվար մասն աստիճանաբար դառնում էր մանր և միջին սեփականատեր: Փոքր բնակատեղիներից ու գյուղերից, աշխատանքային պայմանագրերի ժամկետը լրանալուց հետո, Հայերը տեղափոխվում էին մեծ

¹ Aida Boudjikianian-Keuroqlian, *Les Armeniens dans la Region Rhon-Alpes*, Audin-Lyon, 1978, p. 138. Լևոն Զորմիսյան, Համապատկեր արևմտահայոց մեկ դարու պատմության, Ֆրանսահայերու պատմություն, Բեյրութ, 1975, էջ 80:

² Aida Boudjikianian-Keuroqlian, նշվ. աղբ., էջ 128:

քաղաքներ: Արագ թափով տեղի էր ունենում ուրբանիզացում և սոցիալ-տնտեսական կյանքում շերտավորում, որը ցայտուն դրսևորվեց Երկրորդ աշխարհամարտի ժամանակ և նրա ավարտից անմիջապես հետո ընկած ժամանակաշրջանում: Ֆրանսահայ համայնքի մի ստվար հատված սկսեց զբաղվել միջակ առևտրով ու արհեստներով: Այս երևույթը նշանավորեց Ֆրանսահայ համայնքի սոցիալ-տնտեսական զարգացման առաջին փուլի ավարտն ու երկրորդ փուլ թևակոխելը:

Երկրորդ համաշխարհային պատերազմից հետո Եվրոպայում, այդ թվում և Ֆրանսիայում, Մարշալի պլանից հետո ծավալված տնտեսական վերելքի շնորհիվ Ֆրանսահայ համայնքի կեսից ավելին ներգրավվել էր մասնավոր սեկտորի՝ առևտրի և արդյունաբերության տարբեր ճյուղեր: Այս տնտեսական փոփոխությունների շնորհիվ սկսեց առաջնակարգ տեղ գրավել Հայ կինը, հատկապես՝ թեթև արդյունաբերության մի շարք ճյուղերում: Եթե նախապատերազմյան շրջանում Հայ ընտանիքն աշխատում էր տնային պայմաններում և կատարում խոշոր ձեռնարկատերերի և առևտրականների պատվերները, ապա այժմ նա իր արտադրանքը վաճառում էր սեփական կրպակում, կամ առևտրական ձեռնարկությունում, ժամանակի ընթացքում ընդլայնելով իր գործունեությունը:

Այդուհանդերձ, Ֆրանսահայ համայնքի աշխատունակ զանգվածի մեծամասնությունը կազմում էր արդյունաբերական պրոլետարիատը, որն աշխատում էր Ֆրանսիական արդյունաբերության բոլոր ճյուղերում, մինչև 1920 - 1926 թթ. Հայ բանվորությունը կարելի էր տեսնել Հիմնականում կոշիկի և տեքստիլ արդյունաբերության ձեռնարկություններում: Կանանց ու աղջիկների զգալի մասը նույնպես ներգրավված էր հագուստեղենի, հատկապես տրիկոտաժի արդյունաբերության մեջ: Նրանք որակյալ բանվորուհիներ էին և բարձր աշխատավարձ էին ստանում:

Երիտասարդ աղջիկների ուրոշ մասը, հատկապես միջնակարգ և բարձրագույն կրթություն ստացածները, նախընտրում էին աշխատել տարբեր գրասենյակներում, բանկերում ու ապահովական բյուրոներում, քանի որ տղամարդկանց հավասար աշխատավարձ էին ստանում: «Հայ ազգային ճակատի» անմիջական օգնությամբ 1944 - 1947 թթ. Մարսելի և այլ քաղաքների Հայ դերձակները, չինարարներն ու կոշկակարները ստեղծեցին կոոպերատիվ արհեստանոցներ ու ֆաբրիկաներ³:

Վիետնամական պատերազմի և քաղաքական այլ իրադարձությունների պատճառով Ֆրանսիայում 1952 թ. տնտեսական ծանր վիճակ ստեղծվեց: Լիոնում, Փարիզում ու Մարսելում Հայ բանվորների և արհեստավորների կոոպերատիվ շարժումը նոր թափ ստացավ: Մոտավորապես 300 Հայ կոշկակարների արհեստանոցներ ու ֆաբրիկաներ միավորվեցին՝ ունենալով 300 հազար ֆրանկ Հիմնադրամ: Կարճ ժամանակամիջոցում այդ գումարը հասավ 150 միլիոնի: Հայ արհեստավորներն արտադրական կոոպերատիվ Հիմնարկություններից զատ Հիմնեցին կոոպերատիվ վաճառատներ, որտեղ վաճառում էին իրենց իսկ արտադրած կոշիկեղենը: Վաճառատներ Հիմնվեցին Փարիզում, Լիոնում, Մարսելում և այլ քաղաքներում: Հետագայում կոշկակարների կոոպերացիային միացան

³ Ժողովուրդ, Փարիզ, 5. IV. 1946:

կաշեգործներն ու կաշվի վաճառականները: Ֆրանսիայի կաշվե-կոշիկի արտադրության 70 %-ը տալիս էին Հայ կոոպերատորները:

1950-ական թվականներին Ֆրանսահայ արդյունաբերական պրո-լետարիատը շարունակում էր Համայնքի տնայնագործների շարքերը: Այսպես, օրինակ, Ռոմանում և այլ քաղաքներում կոշիկի արհեստագործական եղանակով արտադրության մեջ ներգրավվեցին Հարյուրավոր Հայ արհեստավորներ: Պետք է նկատել, որ Հետպատերազմյան ժամանա-կաշրջանում մինչև 1960-ական թվականները, Ֆրանսիայում կոշիկի պատրաստումը մեծ մասամբ արհեստագործական եղանակով էր կատարվում: Օրինակ, 1952թ. Ռոն-Ալպյան շրջանում Հայ արհես-տավորների 27 մասնագիտական բնագավառներում 2/3-ը կազմում էին երեք արհեստների խմբերը՝ դերձակներ, վարսավիրներ, կոշկակարներ: Հայ կոշկակարների արտադրանքը մեծ համբավ էր վայելում թե՛ որակով և թե՛ մատչելի գներով⁶: Վիճակը նույնն էր նաև Մարսելում, որտեղ կոշկակարները, դերձակներն ու վարսավիրներն արհեստագործների մեծ տոկոսն էին կազմում:

Մարսելում, մյուս քաղաքների համեմատությամբ, մեծ տոկոս էին կազմում կոշկագործները, ոսկերիչներն ու ժամագործները:

Այդ ժամանակաշրջանում Մերձավոր արևելքից, Բալկաններից, Հայաստանից և այլ վայրերից եկած Հայերի նախաձեռնությամբ Մարսելում, Լիոնում, Փարիզում ու դրանց արվարձաններում և ոչ հեռավոր քաղաքներում սկսեցին գործել ավտոմոբիլների նորոգման արհեստանոցներ, ընդլայնվեց ապուխտի և քաղցրավենու պատրաստման գործը:

Հետագայում, Հայ արհեստավորների զգալի մասն ընդլայնեց արտադրությունը, մեքենայացրեց ու անցավ արդյունաբերողների շարքը: Դա մեծ մասամբ կատարվեց կոշիկի, հագուստի, տրիկոտաժի, սննդի արտադրության և այլ բնագավառներում: Այժմ Հայերը կարևոր տեղ էին գրավում Ֆրանսիայի տնտեսական կյանքում ունենալով Ֆրանսիական բուրժուազիային հավասար իրավունքներ: Այդուհանդերձ, Հայ արդյունաբերողները Ֆրանսիայի արդյունաբերական բուրժուազիայի կազմում փոքր տոկոս էին կազմում: Հայերի տոկոսը զգալի էր արհեստավորների, նաև՝ մանր ու խոշոր առևտրականների շրջանում: Դա բացատրվում էր նրանով, որ Հայ արդյունաբերողների մեծ մասը երկրի տնտեսության այդ բնագավառը հատկապես նպարեղենի, հագուստի, կոշիկի և տրիկոտաժի արդյունաբերություն մուտք գործեց Երկրորդ համաշ-խարհային պատերազմից հետո: Նրանց նորագույն սարքավորումներով հագեցած ձեռնարկություններում հիմականում 20 - 50 բանվորներ էին աշխատում: Սեն-Շամոնի կերպասեղենի ու հագուստի արդյունաբերության մեջ աչքի էին ընկնում Տոնապետյան եղբայրները, Ավետիսյանը, Գաս-պարյանը, Օպոզյանը և այլ արդյունաբերողներ: Իսկ Լե Մուլինոյում

⁶ Այսօր ապագա, Փարիզ, 22. I, 1952:

⁷ Aida Boudjikianian-Keuroqlian, նշվ. աշխ., էջ 137:

⁸ Այսօր ապագա, Փարիզ, 17. I, 1952: Այդ երևույթը նկատելի էր նաև եվրոպական այլ Հայկական Համայնքներում (Ռումինիայում, Բուլղարիայում, Հունաստանում և այլուր):

⁹ Նույն տեղում, 22. I, 1952:

¹⁰ Լևոն Զորմիսյան, նշվ. աշխ., էջ 288:

նորագույն մեքենաներով սարքավորված՝ Հայերի տրիկոտաժի արտադրությունը մեծ համբավ էր վայելում Ֆրանսիական ներքին շուկայում: Առաջնակարգ տեղ էր գրավում Գոճապըլըքյանի տրիկոտաժի Հիմնարկ-ձեռնարկությունը: Վալանսում նույնպիսի Հիմնարկությունների սեփականատերեր էին Ճերանյան եղբայրները: Մետաքսաթելի արտադրության բնագավառում գործող Դանիելյան Հիմնարկ-ձեռնարկությունը Հսկայական քանակությամբ արտադրանք էր մատակարարում Ֆրանսիայի ներքին և արտաքին շուկաներին: Լիոնում նույնպես տրիկոտաժի արտադրության զգալի մասը Հայ արդյունաբերողների ձեռքում էր: Հսկայական քանակությամբ արտադրանք էր տալիս Ճնկոտյանի՝ նորագույն սարքավորումներով հագեցած բարձրորակ և նորաձև արտադրանքով Հիմնարկությունը, որն առաջնակարգ դիրք էր գրավում Ֆրանսիայի ներքին շուկայում:

Հայ արդյունաբերողները մուտք էին գործում նաև սննդարդյունաբերության մեջ: Դրանցից էին Պեյլերյան, Պաշատուրյան, Մարգարյան ֆիրմաները Ռոն-Ալպյան շրջանում⁹:

Լիոնում և ամբողջ Ֆրանսիայում մեծ համբավ էր վայելում «Աստրա» պլաստիկ ապրանքների արտադրության սեփականատեր Նապոլեոն Պրյորքյանը¹⁰: Նրա ձեռնարկությունն ուներ 1000-ից ավելի աշխատող, մեծ մասը՝ Հայեր: Այդ ձեռնարկությունն իր 17 բաժիններով ու արտադրամասերով, աշխարհում խոշորագույններից էր և արտադրում էր չշերի կափարիչներ ու պլաստիկ տարայի տարբեր տեսակներ: Այն ապահովում էր Ֆրանսիայի ձեթի չշերի 50 %-ի և քաղախի ու հանքային ջրերի չշերի 60 %-ի պահանջարկը¹¹: Ն. Պրյորքյանը նյութապես օժանդակում էր Լիոնի մուսլինգիպալիտետին: Նա նյութական մեծ օգնություն է ցուցաբերել Հայկական եկեղեցու և նրա կողքին Հայկական միօրյա դպրոցի շենքի կառուցմանն ու այլ աշխատանքների:

Մարսելում և նրա շրջակայքում սննդի, մրգերի ու բանջարեղենի, չրի և արևելյան համեմունքների մատակարարման գործում մեծ դեր ունեին Հայ միջնորդ առևտրականները: Մեծաքանակ առևտրով էին զբաղվում Թեքեյան, Միրզոյան, Սեյան, Քեհյան, Կյումուշյան, Շահգամյան և այլ առևտրական տներ¹²: Այս առևտրական տներն աշխույժ գործունեություն էին ծավալում մինչև 1929թ.: Սակայն 1929 - 1933թթ. տնտեսական ճգնաժամից հետո քչերը գոյատևեցին:

1960 - 1970-ական թվականներին Ռոն-Ալպյան շրջանում Հայ բնակչության տղամարդկանց 13 %-ը և կանանց 7 %-ը ներգրավված էին միջին և մանր առևտրի բնագավառներում¹³: Լիոնի 35000 առևտրականներից 437-ը Հայեր էին: Նրանց 50 %-ը նորեկ Հայեր էին, մեծ մասամբ Մերձավոր և Միջին արևելքից ու Բալկաններից:

⁹ Նույն տեղում:

¹⁰ Aida Boudjikianian-Keuroqlian, նշվ., աշխ., էջ 137:

¹¹ Նույն տեղում:

¹² Լևոն Չորմիսյան, նշվ. աշխ., էջ 289:

¹³ Aida Boudjikianian-Keuroqlian, նշվ., աշխ., էջ 138:

¹⁴ Նույն տեղում:

Հայ առևտրականները, որոնք բնակվում էին մեծ քաղաքների ծայրամասերում, կամ արվարձաններում, ձգտում էին տեղափոխվել կենտրոնական թաղամասեր: Լիոնում, Մարսելում, Փարիզում և Հատկապես փոքր քաղաքներում, բազմաթիվ Հայ առևտրականներ կենտրոնական թաղամասերում դարձել էին ծխախոտի, գրենական պիտույքների, գալանտերեայի, տրիկոտաժի և այլ ապրանքների կրպակների, խանութների ու շքեղ առևտրական տների սեփականատերեր: Հայկական խոհանոցներում շատ ռեստորաններ, ճաշարաններ ու սրճարաններ նույնպես պատկանում էին Հայերին: Փարիզում և Միջերկրականի ափի մեծ քաղաքներում (Մարսել, Նիցցա և այլն), ամբողջ Կոտ դ'Ալդուրում Հայտնի էին Հայկական ռեստորաններն ու սրճարանները: Այսպես օրինակ, Գիսակ Փափազյանի «Անի» ճաշարանը Փարիզում, իսկ կողքին՝ «Յլորիա» Հայտնի ճաշարանը, «Բինգ» ճաշարանը Կասիսում և այլն¹⁵:

Երկրորդ Համաշխարհային պատերազմի տարիներին և դրանից Հետո միջնորդ առևտրով զբաղվող մի շարք Հայեր կարողացել էին զգալի կապիտալ կուտակել և դառնալ խոշոր առևտրականներ ու արդյունաբերողներ: Հայ խոշոր առևտրական տներից էին ՊաՀատուրյան առևտրական տունը Լիոնում, Սյուլթեյլյան, Հմայակ և Ոսկան առևտրական տները Ալֆորվիլում¹⁶: Հայտնի էին նաև մետաքսաթելի ու տրիկոտաժի առևտրով զբաղվող Թովմասյան, Խաչիկյան եղբայրները: Մարսելում գործում էին Հայերին պատկանող 20-ից ավելի մեծաքանակ առևտրով զբաղվող առևտրական տներ, ինչպես նաև կոշիկի արտադրությամբ ու խոշոր առևտրով զբաղվող 20-ից ավելի ֆիրմաներ¹⁷: Փարիզի խոշոր նպարավաճառներից էին Տապաղյան, Սապունճյան և Հրաչյան եղբայրները, որոնք բազմատեսակ ապրանքներ էին ներմուծում տարբեր երկրներից ու վաճառում սեփական առևտրական տներում: Այս շրջանում ՓրանսաՀայ Համայնքի սոցիալ-տնտեսական կյանքի հսկայական փոփոխությունները և, Հատկապես, խոշոր արդյունաբերողների ու միջնորդ բուրժուազիայի Հանդես գալը նշանավորեցին Համայնքի տնտեսական զարգացման երրորդ փուլի սկիզբը, քանի որ տեղական խոշոր բուրժուազիայի կողքին Հանդես եկավ և ձևավորվեց ՓրանսաՀայ խոշոր բուրժուազիան, որը Հաստատուն դիրք գրավեց Ֆրանսիայի սոցիալ-տնտեսական կյանքում: Հայտնի էին Սեն-Ռաֆայելի, Պյուսե սյուր Արժանի և Տրագինիոնի միրգ-բանջարեղենի Հայ խոշոր առևտրականները, որոնք տարբեր տեսակի գյուղատնտեսական մթերքներ, պտուղ-բանջարեղեն էին մատակարարում Լիոնի և Փարիզի խոշոր-մեծաքանակ շուկաներին:

ՖրանսաՀայ խոշոր ու մանր առևտրականները և արդյունաբերողները տասնամյակների ընթացքում ժրաջան ու դժվարին աշխատանքով կարողացան արժանի տեղ գտնել Ֆրանսիայի տնտեսության տարբեր բնագավառներում: Նույնպիսի տեղ ունեին Հայ բանվորներն ու ծառայողները, որոնք ընդգրկվել էին զանազան արհեստակցական միություններում ու քաղաքական կուսակցություններում՝ ծավալելով Հասարակական-քաղաքական աշխույժ գործունեություն:

¹⁵ Լ. և Ն. Ջորժիսյան, Նշվ. աշխ., էջ 350:

¹⁶ Նույն տեղում:

¹⁷ Այսօր ապագա, Փարիզ, 17. 1. 1952:

Խոսելով ֆրանսահայ համայնքի տնտեսական գործունեության ու զբաղմունքի մասին, հարկ է նշել նաև հայ մտավորականության, ուսանողության և ազատ զբաղմունքի տեր մարդկանց, որոնք ուրույն տեղ են գրավում հայ և ֆրանսիական աշխատավորական շարքերում: Կոլսի մտավորականության այն մասը, որը կարողացավ վերապրել Մեծ եղեռնը, իր մեծամասնությամբ հաստատվեց Ֆրանսիայում: Այն ընդգրկեց նաև արևելահայ այն մտավորականներին, որոնք արտագաղթել էին Անդրկովկասից:

ЭТАПЫ СОЦИАЛЬНО-ЭКОНОМИЧЕСКОГО РАЗВИТИЯ АРМЯНСКОЙ ОБЩИНЫ ВО ФРАНЦИИ (1922 – 1980 ГГ.)

З.М. КАСАБЯН

Р е з ю м е

Армянская колония во Франции сформировалась в начале 20-го века. В 1922 – 1926 гг. тысяи беженцев-армян пополнили ряды французского пролетариата. Около 80 % армян работало в шахтах, на металлургических заводах, в каменоломнях, а женщины – в промышленных и в прислугах. Это был первый этап пролетаризации армянских беженцев из городов и сел Турции и Западной Армении.

В 1929 – 1933 гг. вследствие мирового экономического кризиса тысяи армян-рабочих оказались в рядах армии безработных. Они стали заниматься ремеслом и мелкой торговлей. Этот период определяется как второй этап социально-экономической жизни армянской общины во Франции.

Во время второй мировой войны и после многие армяне-ремесленники и торговцы расширили свою деятельность в общественном производстве и в торговле. Появились крупные промышленники и торговцы. Они включились в ряды французской промышленной и крупной торговой буржуазии.

Наряду с фабричным пролетариатом, ремесленниками, торговцами и промышленниками в армянской общине в качестве социальной прослойки появляется армянская интеллигенция (писатели, художники, музыканты, артисты, педагоги, ученые, религиозные деятели и студенчество).